



16000


Uf. 4276



Biblioteka Jagiellońska

69510017569

f-v 9724 in
Uf 4276 a-f



Q. D. B. V.

XV.

LIVONIA

CERTIS PRO-
POSITIONIBUS

COMPREHNSA,

Sub PRÆSIDIO

CONRADISAMUELIS

SCHURZFLEISCHII,

Prof. Publ.

Ad constitutum diem 28. April. A. 1700.
defendetur,

a RESPONDENTE AUCTORE

M. HERMANNO Becker /

Lemsalia prope Rigam

Livono.



VITEMBERGÆ,

Typis MARTINI SCHULZI, Acad. Typ.



PROP. I.



Livoni, sive, ut alii scribunt, *Livones* dicuntur non, ut multi putant, a *Livis*, antiquis terrae Livonicae incolis, sed nominis initia repetunt a vocabulo quodam per vetusto, sive *Esthónico*, sive *Livónico*. Quemadmodum enim *Libavia*, urbs in *Curonia*, nomen suum sortita videtur a verbo Livónico *Lepay*/ id est, tilia, arbore,

haud ignota, quoniam eo in loco, quo jam urbs *Libavia* est exstructa, ex antiquorum auctoritate & testimonio, tiliae olim magno numero constitae & repertae fuerunt. Similiter atque *Semgallia*, quam nonnulli a *Semi* & *Gallia* derivatam cupiunt, nomen suum itidem habet, ac deducit a prisca Livonorum voce, *Semmes Gals*/ hoc est, a fine terrae: & ipsa *Curonia* quoque originem suam ducit a nomine Livónico *Kur* & *Semme*, unde Germanica dictio conflatur, *wo ist Land*/ quod nomen antiqui *Livoniae* incolae usu triverunt, & ignorantia decepti adhibuerunt, rati, *Semgalliam* totius *Livoniae* esse terminum: haud secus, ac *Livonia* a nomine quodam Livónico nuncupatur.

II.

Livonia autem, quam olim sic dicti *Livi*, vel *Letii* incoluerunt, dividitur in tres partes: in *Esthoniā*, *Livoniā* spe-

1306995

speciatim ita dictam, *Trans-Dunam* illam, & *Curoniā* sive *Curlandiam*.

III.

Esthoniae caput est *Revalia*: *Livoniae* proprie sic dictae, quam *Letii* terram sive provinciam intermediam, utpote sitam inter *Esthoniā*, & *Curoniā*, atque *Semgalliam*, vocare consueverunt, metropolis est *urbs Riga*: *Curoniae* princeps est *Mitavia*, quae hodie *Serenissimi Principis* est sedes.

IV.

Et haec causa est, quamobrem generali vocabulo *Livoni* dicantur omnes trium partium supra commemoratarum Livonicarum incolae.

V.

Speciali autem notione, qui *Revaliam*, & illius terminum, *Esthones*: qui *Rigam*, & illius fines, *Livoni*: qui denique *Curoniā* & *Semgalliam*, incolunt, *Curoni*, sive aliis *Curones* appellantur. Et totius terrae *Livoniae* longitudo est 100. milliarium Germanicorum a Sinu Finnico usque ad Prusiam.

VI.

Neque tamen ex triplici hac divisione triplex, nedum quadruplex lingua oritur, scil. *Esthonica*, *Livonica*, *Curonica*, & *Lettica*, siquidem tres posteriores unicam tantummodo linguam constituunt, ut duae tantum relinquuntur: altera *Esthonica*, altera *Livonica*, sive *Lettica*, sive quae eadem est *Curonica*. Ex his *Esthonicam* *Esthones*: *Livonicam* sive *Curonicam* *Livoni*, & *Curones* etiam nunc usurpant. Contra quam gravis, & rerum Septentrionalium scriptor *Alb. Cranzius* existimavit.

VII.

Duplici hac lingua in pagis: in urbibus autem & oppidis:



pidis *Germanica*, ex eo jam tempore, quo *Germani* a Se-
culo inde XII. *Livoniam* in suam potestatem redege-
runt, hodie utuntur.

IIX.

Ad Linguam vero *Libonicam*, sive *Curonicam* ipsam
quod attinet, intelligo eandem ex multis aliis esse com-
mixtam, ex *Græcorum*, *Latinorum*, *Celtarum* & *Gallorum*,
Anglorum & *Saxonum*, imo & *Orientalium*, quemadmodum
omnes, *Linguae Letticae*, & reliquarum jam dictarum pe-
riti, facile mecum sentient & judicabunt.


IX.

Cæterum si desideratur annus, quo *Livonia* est inventa,
alii 1148. alii 1158. supputant, quo *Bremensium* Mercatores,
nautaeque tempestate jactati, Urbem *Vvisbi* errore prae-
tervecti atque appulsi, in continentem *Livoniae* exscen-
derunt, & incolas sensim sibi conciliatos, & merces cum
mercibus commutare solitos, ab impio idolorum cultu
revocatos, ad Christianam religionem gubernante *DEI*
providentia traduxerunt. Primus eorum meminit in
Chronico Arnoldus Lubecensis, nemo ante eum nec *Tacitus*,
nec *Ptolomaeus*, neque in itinerario *Antoninus*, nec *Beda*,
nec *Franci*, neque aliarum Gentium scriptores. Eodem
modo *Esthones* nostri recentiores sunt *Aestiis*, alii *Ae-*
styos scribunt, quorum *Tacitus* meminit, de *M.G. c. XLV.*

X.

Postea sub auspiciis Germanicis, & Germanorum
fangvine ac sumptibus in ditionem *Martiae Gentis* vene-
runt, eorum legibus usi sunt, & imperio diutissime pa-
ruerunt, usque dum bellis *Rusficis* implicati, post mul-
tas rerum, temporumque conversiones, *Polonis*, *Svecisque*
obnoxii redderentur.





Hist. Russ.
6, provinc.
Livoniae.

